

Hazparneko herriak antolatu eskolaz kanpoko zerbitzuen* barne araudia

* Eskolaz kanpoko aisialdi harrera: Eskolaz kanpoko aisialdi harrera adingabeen heziketarako harrera kolektiboa da 3 eta 15 urte arteko adingabeentzat, ESKOLAKO OPORRETAN (eguna/egonaldiak).

Aitzinsolasa

Hazparneko Herriko Etxeak zerbitzu zenbait proposatzen ditu Jean Verdun eskolako ama eskolako eta lehen mailako haurrentzat: eskolaldi inguruko harrera, kantina. Herriko eta inguruko herrietako haur guzientzat JOSTA LEKU aisialdi zentroa ere antolatzen du. Zerbitzu horien helburua da kalitatezko harrera proposatzea irakaskuntza denboraren inguruan. Hazparneko herriak bere Hezkuntza Proiektuan (LHP) lehen haurtzaroaren, haurtzaroaren eta gaztaroaren alorreko ekintzarako lehentasunezko ardatzak finkatu ditu.

Herriko Etxeak hautatu du Pirinio Atlantikoetako Gizarte Kohesiorako Departamenduko Zuzendaritzari deklaratzeko eskolaldi inguruko eta eskolaz kanpoko zerbitzu guztiak JOSTA LEKU "Aterperik Gabeko Aisialdi Zentroa" izendapenarekin. Ondorioz, harrera horiek Adingabeen Harrera Kolektiboen araudiaren menpe dira; honek nahitaezko zaintza-tasak inplikatzeko ditu, langile diplomadunenen gutieneko ehunekoa, herriko hautetsiek idatzi Hezkuntza Proiektua, Aisialdi Zentroko zuzendariak animazio taldearekin bat idatzi Proiektu Pedagogikoa baita ere proiektuei dagokien emaitza betebeharra harrera kalitateari eta jarduerari aniztasunari begira.

Akademiako Ikuskaritzak eta Gizarte Kohesiorako Departamenduko Zuzendaritzak herria sostengatzen dute. Familien Laguntza Kutxak ere teknika eta finantza laguntza ematen du.

1. kapitulua: Izen emateko eta zerbitzuaz baliatzeko baldintzak

Hazparneko Herriko Etxeak onespena badu ama eskolako eta lehen mailako haurrak errezibitzeko eskolako oporraldietan.

1. artikulua: Izen ematea nahitaezkoa

1.1 : Izen emate dosierra

Araudiaren arabera, eta erantzukizun arrazoiengatik, haurra ez da hartuko aitzinetik izena emana ez baldin badu: izena ematea **nahitaezkoa** da, eta Gazte Zerbitzuan eman behar da. Familiei izen emate fitxa bat betetzea galdeginen zaie argibide orokorrak biltzeko, bereziki haurrari buruz, haren familiari eta osasunari buruz.

Dosier hori beharrezkoa da haur baten hartzeko eskolaz kanpoko denborarako erabiltzen diren herriko ekipamenduetan. Nahitaezko frogagiriak ere galdeginen dira (familiako liburuxka edo sortze-agiria, bizileku-frogagiria, FaLK/MSAko familia koziante-agiria, haurraren osasun-liburuxka...). Alde bateko izen ematea **kontuan hartuko da dosierra osoa** izanen delarik bakarrik eta izen ematearen ardura duten langileek ontzat eman eta.

Eskolako oporraldietako harreretakako, burasoei izen emate datak jakinaraziko zaizkie familia-atariaren bidez. Karia horretara familiek behar dituzte xedetzat dituzten jardueren laukiak markatu.

Burasoei fakturatuko zaizkie izen emate egunak, salbu kasu hauetan:

- Gazte Zerbitzuari idatziz seinalatuz gehienez 48 oren gabe edo familia-atarian izena kenduz.
- Haurraren eritasunagatik, ospitaleratzeagatik edo gertakari larriagatik, mediku-agiri bat erakutsirik edo igorriarik Gazte Zerbitzuari, 2 egun barne.
- Familiako heriotza, burasoen ohorean bermatu agiria erakutsiz.

1.2 Egoera aldaketa

Familiei galdegina zaie Gazte Zerbitzuari lehenbailehen jakinaraztea etxe aldaketa, telefono zenbaki aldaketa, familia egoera aldaketa, izen emate aldaketa oro. Argibide horiek baitezpada eguneratuak izan behar dira: larrialdi batean gertatuz gero, nahitaezkoak dira familiak abisatzeko.

Horretarako, burasoei aldaketak egin behar dituzte:

- E-postaz: guichet-unique@ville-hasparren.fr
- Hazparneko Herriko Etxearen webguneko familia-atarian, sartze kodearen bidez: www.ville-hasparren.fr

2. artikulua: Harrera Proiektu Indibidualizatua (HPI) duten haurren harrera

2.1 : Mediku-tratamendua duen haur baten harrera

Ez zaio erremediorik ematen ahal haur bati, salbu:

1. HPI bat baldin badu eskolako medikuak edota etxeko medikuak emanik
2. Hartu beharreko dosiak eta tenoreak zehazten dituen mediku ordenantza bat baldin badu. Erremedioak jatorrizko ontzian izan behar dira, erabilera oharrarekin barnean, baita ere haurraren izena eta deitura ontziaren gainean idatzirik.
3. Haurraren arduraduna egoitzaren barnera jin daiteke haurrari erremedioa emateko.

2.2 : Elikadura HPI bat duen haurraren harrera.

HPI bat duten haurren familiak izen emate fitxan jakinarazi behar dute. Zaintza berezia behar duten haurrak onartuko dira, baldin eta HPI bat baldin badute.

Erregimen berezia duten haurren izen ematea onartuko da etxeko medikuak izenpetu HPI bat izanez gero bakarrik, Gazte Zerbitzuarekin harremanetan. (Kantinarako izenpetu HPI batean eskolaldi inguruko beste jardura batzuk ere barne har ditzake). HPIrik ez duten haurren kasuan, Gazte Zerbitzuak Eskolaldi Inguruko Harrera Proiektu Indibidualizatua (EIHPI) proposa dezake.

Osasun arazo batengatik erregimen berezi bat duen haur orok burasoek eman bazkaria janen du kantinan. Kasu horretan, barne araudiaren arabera, familia bakoitzak edukiontzi isotermoa (zakua + ontziak) emanen du.

Familiak ekarri bazkaririk ez da onartuko HPI batek baimendu kasuetarik kanpo.

Herriko Etxea erantzukizun orotarik libratzen da haur bat aisialdi zentroko kantinan bazkalduz gero eta elikadura-intolerantzia bat baldin badu eta horretarako HPI bat ez baldin bada plantan ezarri.

3. artikulua: Josta Leku harrera erabiltzeko baldintzak

Hazparneko Herriko Etxeko Josta Leku aisialdi zentroaren eginkizuna 3 (edo eskolatuak) eta 15 urte arteko haurren errezibitzea da eskolako oporraldietan, egun osoan. Josta Leku aisialdi zentroa Hazparnen bizi diren haurrentzat da lehentasunez. Kanpoko herrietako haurrak har daitezke aisialdi zentroan, lekuak izanez gero. Haur horiek sistematikoki igurika-zerrendan ezarriko dira eta bezperan deituko dira leku bat libratu denez abisatzeko.

3.1 : Zerbitzuetan izen emateko

Haur/Gazte zerbitzuak lehen izen emate dosierra ontzat eman ondoan, familiak badu sarbidea familia-atarian sartzeko. Atari horretan, haurren edo haurren izena ematen ahalko du eskolaz kanpoko jardueretarako.

Jarduera osagarrietarako izen ematearen berezitasuna: urtean zehar Josta Leku aisialdi zentroan ibili diren hurrek bakarrik izena eman dezakete jardueretan parte hartzeko.

3.2 : Egunen erreserbatzea

Familiak beren haurren lekua erreserbatu behar dute familia-atariaren bidez epe bakoitzari doakion bi asteetan.

Familiak beren kontuan sar daitezke erreserba-taula ikusteko, beren galdea ontzat eman denez ikusteko (laukia berdez izanen da).

Jarduera osagarrien berezitasuna:

Urtean zehar Josta Leku aisialdi zentroan ibili diren hurrek bakarrik izena eman dezakete jarduera osagarrietan parte hartzeko.

KASU: Familiak ez baldin badu haurren izena eman Gazte Zerbitzuan ETA ez baldin baditu egunak erreserbatu, haurra ez da onartuko.

3.3: Erreserben aldatzea

Ordutegia aldatuz gero, familiak aldaketak egiten ahalko dituzte erreserba baino 48 oren lehenago Gazte Zerbitzuari jakinaraziz. Haurra berehala artatzea galdetzen duen gertaera garrantzitsu edota larrialdi egoera bat gertatuz gero, ordutegian aldaketak egiten ahalko dira, lekuak baldin badira.

2. kapitulua: Irekitze epeak eta tenoreak

Herriko Etxeak ditu eskolaz kanpoko jarduerak antolatzen Hezkuntza Ministerioaren egutegiaren arabera. Eskolaz kanpoko denboretarako izena eman duten haurrak Herriko Etxeko taldearen ardurapean dira.

Josta Leku aisialdi zentroa **eskolako oporretan** irekia da Hezkuntza Ministerioaren egutegiaren arabera. Jean Verdun eskolan berean iragaten da.

Haurrak asteko egun guzietan har daitezke eskolako opor denboran.

Aisialdi zentroa 7:30etik 18:00etara irekia da:

- 7:30 – 9:00: haurren harrera
- 9:00 - 16:30: animazioak
- 16:30 – 18:00: haurren partitzea

Haurra uzten duen burasoak edo helduak nahitaez haurra lagundu behar du barneraino eta animatzaileei haurra hor dela erran.

Berant heltzeko edo goiz partitzeko (aurreikusi tenoreetarik kanpo), baimen berezi bat behar da galdatu aisialdi zentroko zuzendariari: 06.24.84.46.03.

Izen emateak eguneko egiten dira aisialdi zentroan. Egun erdiak posible dira udan igeriketa-klaseetara joateko Hazparneko igerilekura, edo mediku arrazoiengatik. Haurrak ez dira hartuko 9:00etatik goiti. Egonaldiak 6 urte beteak dituzten haurrentzat baizik ez dira.

Haurrak bakarrik sar daitezke etxera, baldin eta arduradunek baimena emana badute izen emate fitxan edo ateratzeko baimen inprimakia bete badute. Etxera bakarrik sartzen ahal ez diren haurrak arduradun batekin baizik ez dira partitzen ahalko edo argibide-fitxan baimendu pertsona batekin.

Harrera zentroa **18:00etan** hesten da. Beraz, haurraren arduradunak antolatuko dira beren haurraren xerka jiteko edo baimendua den pertsona bat haren bila igortzeko, heste tenorea aitzin. Berantean izanez gero, lehenik ahozko ohar bat egiten zaie eta kaieran ezarriko da, eta gero idazki bat igorriko zaio familiari; beharrez, andere auzapezarekin hitzordu bat ukanen du hark oharra egin diezaion.

30 minutu baino gehiagoren buruan, herriko langileek ezin izan badute haurraren arduradunarekin harremanetan sartu, haurra agintari eskudunarekin utziko dute.

3. kapitulua: Fakturazioa eta pagatzeko moldeak

Fakturak izen-emate orrian pagatzaile gisa izendatu haurraren arduradunari igorriko zaizkio. Haur batek zerbitzu batean baino gehiagotan izena emana badu, familiak faktura orokor bat errezibituko du. Fakturak Gazte Zerbitzuak ditu egiten. Ordaintzeko epemuga fakturaren gainean zehaztua da. Fakturak ordaindu daitezke:

- mandatuz edo biramenduz Altxor Publikoaren kontu korrontean, Jats karrikan, HAZPARNE.
- linean ordainduz plataforma honen bidez: www.tipi.budget.gouv.fr

- txekez, Altxor Publikoaren izenean, Jats karrika, HAZPARNE
- eskudiruz, Altxor Publikoari, Jats karrika, HAZPARNE.

Familiei galdegin finantza parte hartzea baldintzen arabera egokitua da HAZPARNEKO familientzat. Familia-koizientea kalkulatzeko dokumenturik ez baldin bada, familiaren finantza parte hartzea **prezio gorenaren** arabera kalkulatu da.

Baldintza batzuk betez gero, Herriko Etxeak fakturazio aldizkatua plantan ezartzeko parada eskaintzen du bereiziak diren familientzat. Familia horiek fakturazio aldizkatua galdegin behar dute izena ematean.

Herriko Etxeak urtero prezioak aldatzeko eskubidea du Herriko Kontseiluak hala deliberaturik.

Faktura eztabaidan ezarritik gero, familiari galdegina zaio Gazte Zerbitzuarekin harremanetan jartzea. Erreklamazioa urte zibil bereko baizik ez daiteke egin. Eskaini zerbitzuaren errealitatea bermatzen duen Gazte Zerbitzua ez baldin bada ados, fakturan agertzen den zenbatekoa zor izanen da.

4. kapitulua: Egituraren barnean errespetatu beharreko arauak

4. artikulua: Erantzukizuna - Asurantzak

Eskolaz kanpoko denboretan, izena emana duten haurrak herriko langileen ardurapean dira.

Hazparneko Herriko Etxeak erantzuletasun zibil asurantzak bat hartua du eskolaldi inguruko eta eskolaz kanpoko egitura guzientzat.

Herriko Etxearen asurantzak ez ditu indibidualki edo haien artean kolpatuko litezkeen haurrak estaltzen Herriko Etxeak ez baldin badu deus ikustekorik. Beraz, burasok dute haien haurrarentzat asurantzak hartu behar eskolaldi inguruko eta eskolaz kanpoko jardueren kariatara, eta familiako erantzuletasun zibil asurantzak duela segurtatu.

5. artikulua: Andeatzeak

Eskolaz kanpoko egoitzaren edo materialaren andeatze ororen kasuan kalte-ordainak galdeginen dira gertatu andeatzeak ordaintzeko.

6. artikulua: Bakoitzaren puskak

Burasoei galdegina zaie haurrak ez daitezen jin diruarekin, bideo joko kontsolarekin, sakelako telefonoarekin, baliozko gauzekin...

Sakelako telefonoak eta eskuko dirua ukaiteko baimena bada bakarrik nerabeen jarduera osagarrietan, animatzaileek horretarako finkatu arauak errespetatuz.

7. artikulua: Jantziak eta diziiplina

Haur bakoitzak zaintza-langileen aginduak zorrozki errespetatu behar ditu. Zaintza-langileak (kantinako langileak, animatzaileak) errespetatu behar ditu baita ere kideak.

Zaintza-langileek haurrei araudi hau ahoz oroitaraziko die diziiplina-arauak hausten balituzte edo zerbitzuaren funtzionamendu ona trabatzen duten jokamoldeak balituzte.

Arauak hausten segituz gero, eskolaldi inguruko harrerako zuzendaria eta Gazteen eta Hezkuntzaren, ardura duen axuanta haurrarekin eta haren familiarekin elkartuko dira.

Elkarrizketa horretan, gaztigu bat ematen ahalko da arau haustearen arabera:

- idatzizko oharra
- aldi bateko kanporatzea
- behin betiko kanporatzea, urte bukaera arte.

Zaintza-langileek dituzte arau hausteak egiaztatzen eta kaier batean idazten. Larritasunaren eta gertakari errepikakorren arabera, eskolaldi inguruko zerbitzuko arduradunak edo haren laguntzaileak Zerbitzuen zuzendari nagusia eta gazteen ardura duen axuanta abisatuko dituzte.

Gertatzen diren arau hauste nagusiak:

- kolektibitateko bizitzako arauen ez onartzea: harrabotsa egitea, ez obeditzea, ohar desegokiak
- ontasunen eta pertsonen ez errespetatzea: jokamolde probokatzailea edo laidogarria; materialaren andeatze ttipiak
- pertsonak mehatxatzea edo ontasunak nahitara andeatzea: eraso fisikoa beste ikasleei edo langileei; materialaren andeatze handiak edo ebastea.

8. artikulua: Norberaren irudirako eskubidea

Eskolaldi inguruko eta eskolaz kanpoko jardueren kariatara, haur bakoitza argazkitan hartua edo filmatua izan daiteke. Izen emate dosierrean familiak baimena emanaz gero, argazkiak edo beste euskarriak herriaren komunikaziorako baizik ez dira erabiltzen ahalko (Herriko Etxearen webgunea, herriko kazeta, eskuorriak...). Kontrako kasuan, haurraren irudia lausotuko da.

5. kapitulua: Bestelako argibideak

9. artikulua: Eritasun bat, gorabehera bat edo istripu bat eskolaldi inguruko edo eskolaz kanpoko denboran gertatuz gero

Oharra: Zerbitzuak ez dezake erremediorik edo arta berezi arruntik eman, salbu HPI batek hala aurreikusten badu.

Gertakari arin batengatik, zuzendariak edo haren laguntzaileak familiak izendatu arduraduna berehala abisatuko du, eta honek antolatu beharko du ahal bezain fite haurraren xerka jiteko.

Gertakari larri batengatik, istripua izanik ala ez, haurraren osasuna lanjerean edo arriskuan ezarritik gero, zerbitzuak haurra sokorrien esku utziko du ospitalera edo klinikara eraman dezaten. Legezko arduraduna berehala abisatuko da. Horretarako, beti eman beharko du telefono zenbaki eguneratua, harrera zerbitzu denboran deitzeko gisan.

Eskolaldi inguruko harrera baten kariatara, arduradunak eskolako zuzendaria eta eskolako zerbitzua berehala abisatuko ditu haurra ospitaleratu dela.

10. artikulua: Araudi honen baliozkotasuna

Arau hau indarrean da Herriko Etxean afixatua denetik. Urtero aldatu daiteke.

11. artikulua: Onartzea

Haur batek eskolaldi inguruko eta eskolaz kanpoko egitura batean izena emanaz gero, burasoek araudi hau osoki onartzen dute.